

793 deliciis et epulis ut purpuratus dives inundant^a et Lazarus ante ianuam fame moritur.
 Cf. Luc. 16, 19. 20. Ubi est fraterna karitas? ubi misericordia, quam in miseros habere ammonetur?
 Iac. 2, 13. Satietas divitis esuries est pauperis. Timenda est illa dominica sententia: 'Iudicium
 absque misericordia illi est, qui non facit misericordiam'. Item beato Petro apostolo
 1. Petr. 4, 17. dicente legimus: 'Tempus est, ut iudicium incipiat a domo Dei'. 5

Ecce iudicium a domo Dei¹, in qua tanta luminaria totius Britanniae requiescunt, cum magno ingruit terrore. Quid de aliis estimandum est locis, dum huic sanctissimo loco iudicium non pepercit divinum? Non arbitror illorum hoc esse, qui in eo habitant loco, tantummodo peccatum.

Utinam et^b illorum correptio aliorum sit emendatio. Et quod pauci perpassi 10 sunt, plurimi pertimescant et unusquisque dicat in corde suo gemens et tremebundus: 'Si tanti viri et tam sancti patres suam habitationem et requiei suae loca non defenderunt, quis mea defendet?' Defendite patriam precibus assiduis ad Deum, iustitiae et misericordiae operibus ad homines. Sit vobis moderatus usus in vestimentis et cibo. Nichil melius patriam defendit quam principum equitas et pietas et servorum Dei inter- 15
 Isai. 37, 36. cessiones. Mementote, quod Ezechias rex iustus et pius una prece impetravit a Deo, ut hostium centum octoginta quinque milia una nocte perimerentur ab angelo². Similiter
 Isai. 38, 5. idem ipse mortem imminuentem sibi lacrimis profusis avertit et quindecim annos vite suae hac prece superaddi promeruit a Deo.

Mores enim honestos habete Deo placabiles et hominibus laudabiles. Estote 20 rectores populi, non raptores; pastores, non predatores³. Deo dante honores accepistis: adtendite observationem mandatorum eius, ut eum habeatis servatorem, quem habuistis largitorem. Oboedite sacerdotibus Dei. Illi enim habent rationem reddere Deo, quomodo vos ammoneant; et vos, quomodo oboediatis illis. Sit una pax et karitas inter 25 vos. Illi intercessores pro vobis, vos defensores pro illis. Super omnia autem
 karitatem Dei habete in cordibus vestris, et eandem caritatem in observatione mandatorum eius ostendite. Amate eum ut patrem, ut ille vos defendat quasi filios. Volentes nolentes illum habebitis iudicem. Adtendite bonis operibus, ut propitium eum habeatis
 1. Cor. 7, 31. vobis. Preterit enim figura huius mundi; et omnia kaduca sunt, que hic videntur vel habentur. Hoc solum de suo labore potest homo secum adferre, quod in elemosinis 30 vel bonis operibus gerit. Omnes oportet nos stare ante tribunal Christi, ut ostendat unusquisque omnia, que gessit, sive bonum sive malum. Cavete tormenta gehenne, dum vitari possunt; et adquirite vobis regnum Dei et^c eternam beatitudinem cum Christo et sanctis eius in secula sempiterna.

Deus vos et in hoc terreno regno felices efficiat et eternam vobis concedat 35 cum sanctis suis patriam, domini patres fratres et filii karissimi.

^a) corr. in inundantur A I*. ^b) ut A I*. ^c) om. A I*.

1) ab ecclesia S. Cuthberti Lindisfarnensi. 2) Cf. infra epp. 19. 22. 125, Carmen de clade Lindisfarn. v. 161 (Poet. Carol. I, 233): Plurima pro lacrimis sternuntur milia morte | Ezechiae regis pestiferi populi. | Huic quoque ter quinos clemens Deus addidit annos | Pro prece, quam moriens fundit ab ore 40 Deo. 3) Cf. infra epp. 111: Sint praedicatores, non praedatores; 254.